

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/I-04-33543/21
Tuzla, 12.10.2021. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi sa Zaključkom broj: 02/I-33-4331/21 od 09.03.2021. godine, Vlada Tuzlanskog kantona na sjednici održanoj dana 12.10.2021. godine, d o n o s i

Z A K L J U Č A K

Usvaja se Naredba Kriznog štaba Ministarstva zdravstva Tuzlanskog kantona predložena na sjednici održanoj dana 08.10.2021. godine, kako slijedi:

1. Usvajaju se naredbe i preporuke Kriznog štaba Federalnog ministarstva zdravstva koje su na snazi u periodu važenja ove Naredbe.
2. Dopušteno je okupljanje ljudi na određenom prostoru pod sljedećim uvjetima:
 - ne više od 50 ljudi u zatvorenom prostoru
 - ne više od 100 ljudi na otvorenom prostoru.
3. U skladu sa Naredbom Kriznog štaba Ministarstva zdravstva F BiH moguće je i organiziranje većih skupova uz posebno definirane uvjete: posjedovanje negativnog antigenskog ili PCR testa ne starijeg od 48 sati, potvrda o prebolovanom Covid-19 ne starija od 6 mjeseci ili potvrda o završenoj vakcinaciji.
4. Naređuje se obvezno nošenje zaštitnih maski preko usta i nosa za zaštitu respiratornog sistema u zatvorenom prostoru i uz poštivanje distance od minimalno 2 metra. Nalaže se obvezno nošenje maske i na otvorenom prostoru, ukoliko se ne može ostvariti distanca od 2 metra.
5. U veletrgovinama i supermarketima se ograničava broj kupaca prema sljedećim kriterijima:
 - definiše se prostor od 10 m² prodajnog objekta po potrošaču
 - bez obzira na veličinu prostora prodajnog objekta, nije dozvoljen boravak više od 400 potrošača.
6. Od svih poslovnih subjekata i drugih pravnih subjekata, koji tokom realizacije svojih aktivnosti podrazumjevaju istovremeni boravak većeg broja osoba u zatvorenom prostoru (tržni centri, kina, prostorije javnih institucija, restorani, drugi ugostiteljski objekti, itd.) traži se pojačan interni nadzor nad provođenjem zaštitnih mjera kao i angažovanje kovid-redara.
7. Od Kantonalne uprave za inspeksijske poslove Tuzlanskog kantona, nadležnih gradskih/općinskih inspekcija i Uprave policije Tuzlanskog kantona traži se pojačan nadzor u smislu kontrole poštovanja važećih epidemioloških mjera i donesenih naredbi.
8. Traži se od svih gradskih i opštinskih Kriznih štabova da pojačaju aktivnosti na sprovođenju važećih epidemioloških mjera, preporuka i naredbi u okviru lokalnih zajednica, te da o navedenom podnesu izvještaj Kriznom štabu Ministarstva zdravstva

9. Traži se od svih obrazovnih ustanova Izvještaj o detektovanim mjestima gdje je realizacija nastave u skladu sa važećim preprukama otežana, kao i mjerama koje su poduzete.
10. Traži se od Pedagoškog zavoda Tuzlanskog kantona da Kriznom štabu ministarstva zdravstva redovno dostavlja izvještaj o broju Covid pozitivne djece i osoblja po školama, te broj osoba u izolaciji, kao i zbirno.
11. Preporučuje se ustanovama primarne zdravstvene zaštite da, u skladu sa epidemiološkom situacijom i brojem oboljelih na području kojem gravitiraju, aktiviraju tzv. Covid-ambulance za pacijente kod kojih postoji sumnja na Covid-19 infekciju, a sa ciljem smanjenja epidemiološkog rizika za ostatak populacije
12. Traži se od svih ustanova primarne zdravstvene zaštite da maksimalno pojačaju aktivnosti na promociji i realizaciji vakcinacije u svim timovima porodične medicine, u skladu sa prethodno prikupljenim podacima o zainteresovanosti građana za vakcinaciju.
13. Traži se od uprava svih zdravstvenih ustanova na kantonu da aktualiziraju proces vakcinacije svih zdravstvenih radnika, imajući u vidu pogoršanu epidemiološku situaciju, te povećan broj oboljelih.
14. Traži se od svih zdravstvenih radnika da u svakodnevnom radu sa građanima aktivno promovišu proces vakcinacije.
15. Traži se od građana Tuzlanskog kantona da, imajući u vidu da ogroman procenat hospitaliziranih pacijenata čine nevakcinisane osobe, u što većem broju pristupe vakcinaciji protiv Covid-19 infekcije
16. Ova Naredba se primjenjuje od 13.10.2021. godine, a važi do 26.10. 2021. godine.
17. Zadužuje se Ministarstvo zdravstva da ovaj Zaključak dostavi na uvid i dalje postupanje svim dole navedenim organima i institucijama.

DOSTAVITI:

- 1 x Gradovi/Općine na području TK
- 1 x KUIP TK
- 1 x MUP TK
- 1 x Uprava policije TK
- 1 x JZU/PZU na području TK – sve
- 1 x Svim ministarstvima
- 1 x ZZO TK i ZZJZ TK
- 1 x Pedagoškom zavodu
- 1 x Svim obrazovnim ustanovama-Putem Ministarstva obrazovanja i nauke
- 1 x Sredstvima informisanja
- 1 x a/a



Zu PREMIJER KANTONA

Kadrija Hodžić

Kadrija Hodžić